



ლაგოდების მუნიციპალიტეტის გამგებელი

ბრძანება

№868

2016 წლის 12 აგვისტო

ქ.ლაგოდები

ლაგოდების მუნიციპალიტეტს გამგებლის მოადგილისათვის უფლებამოსილების მინიჭების შესახებ

სოფლებში მოსახლეობასთან დაგეგმილი შეხვედრებისა და მუნიციპალიტეტიდან სხვა გასვლითი შეხვედრების მიზნით, გამგებლის ადგილზე არყოფნის გამო, ლაგოდების მუნიციპალიტეტის მოსახლეობის ჯანმრთელობისა და სოციალური დაცვის 2016 წლის პროგრამის ფარგლებში განსახორციელებელი ღონისძიებების ხელშეშლის თავიდან ასაცილებლად, საჭიროა ამ პროგრამის ფარგლებში მუნიციპალიტეტის გამგეობაში შემოსულ კორესპონდენციაზე და ამავე პროგრამის ფარგლებში გამოცემულ ინდივიდუალურ ადმინისტრაციულ-სამართლებრივ აქტებზე (ბრძანებებზე), გარდა პროგრამით გათვალისწინებული გამონაკლისი შემთხვევებისა, განხილვისა და ხელმოწერის უფლებამოსილება მიენიჭოს, გამგებლის მოადგილე ალექსი ჭანკოტაძეს.

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „ა.ე.“ „ა.ვ“ და „ე.ე“ ქვეპუნქტების, 57-ე მუხლის მე-3 პუნქტისა და „ლაგოდების მუნიციპალიტეტის დებულების დამტკიცების შესახებ“ ლაგოდების მუნიციპალიტეტის საკრებულოს 2014 წლის 25 ივლისის N20 დადგენილების მე-6 მუხლის მესამე პუნქტის „ა.ვ“ ქვეპუნქტისა და საქართველოს კანონის „ზოგადი ადმინისტრაციული კოდექსის“ 61-ე მუხლის შესაბამისად

ვბრძანებ:

მუხლი 1. მიეცეს უფლებამოსილება ლაგოდების მუნიციპალიტეტის გამგებლის მოადგილეს ალექსი ჭანკოტაძეს, განიხილოს „ლაგოდების მუნიციპალიტეტის მოსახლეობის ჯანმრთელობისა და სოციალური დაცვის 2016 წლის პროგრამის“ ფარგლებში ლაგოდების მუნიციპალიტეტის გამგეობაში შემოსული კორესპონდენცია.

მუხლი 2. მიეცეს გადაწყვეტილების მიღებისა და ხელმოწერის უფლებამოსილება ლაგოდების მუნიციპალიტეტის გამგებლის მოადგილეს ალექსი ჭანკოტაძეს „ლაგოდების მუნიციპალიტეტის მოსახლეობის ჯანმრთელობისა და სოციალური დაცვის 2016 წლის პროგრამის“ ფარგლებში გამოცემულ ინდივიდუალურ ადმინისტრაციულ-სამართლებრივ აქტებზე, გარდა პროგრამით გათვალისწინებული გამონაკლისი შემთხვევებისა.

მუხლი 3. „ლაგოდების მუნიციპალიტეტის მოსახლეობის ჯანმრთელობისა და სოციალური დაცვის 2016 წლის პროგრამით“ გათვალისწინებულ გამონაკლის შემთხვევებზე, გადაწყვეტილებას მიიღებს ლაგოდების მუნიციპალიტეტის გამგებელი თავისი დისკრეციული უფლებამოსილების ფარგლებში, ამავე პროგრამით დადგენილი წესის შესაბამისად.

მუხლი 4. ბრძანება ამოქმედდეს 2016 წლის 12 აგვისტოდან და მისი მოქმედების ვადა განისაზღვროს 31 დეკემბრის ჩათვლით.

მუხლი 5. დაევალოს ლაგოდების მუნიციპალიტეტის გამგებლის მოადგილეს -ალექსი ჭანკოტაძეს, ყოველთვიურად გამგებლისათვის შესაბამისი ინფორმაციის მიწოდება.

მუხლი 6. ბრძანების ამოქმედებისთანავე ძალადაკარგულად გამოცხადდეს ლაგოდების მუნიციპალიტეტის გამგებლის 2016 წლის 4 იანვრის N7 ბრძანება „ლაგოდების მუნიციპალიტეტს გამგებლის მოადგილისათვის უფლებამოსილების მინიჭების შესახებ“.

მუხლი 7. ბრძანება ძალაში შედის მხარისათვის კანონით დადგენილი წესით გაცნობისთანავე.
მუხლი 8. ბრძანების გასაჩივრება შესაძლებელია გაცნობიდან ერთი თვის განმავლობაში გურჯაანის რაიონულ სასამართლოში; შემდეგ მისამართზე: ქ. გურჯაანი, სანაპიროს ქ. №24.

გამგებელი



კარლო ჯამბურია